

- b) prof. dr. sc. Dalibor Ballian,
- c) prof. dr. sc. Rifet Terzić,
- d) prof. dr. sc. Ahmed Džubur,
- e) prof. dr. sc. Ivan Ostojić,
- f) prof. dr. sc. Faruk Čaklovica,
- g) prof. dr. sc. Stojko Vidović.

Član 2.

(Zadaci Vijeća za GMO)

- (1) Vijeće za GMO obavlja sljedeće poslove:
 - a) daje mišljenja o upotrebi genetički modificiranih organizama (u daljem tekstu: GMO) u upravnim postupcima i drugim postupcima po zahtjevu nadležnih organa,
 - b) daje mišljenje i prijedloge u pripremi propisa o upotrebi GMO-a,
 - c) daje mišljenja i prijedloge nadležnim organima državne uprave o pitanjima upotrebe GMO-a,
 - d) prati stanje i razvoj u oblasti korištenja genetičke tehnologije i upotrebe GMO-a,
 - e) prati naučno-stručna dostignuća i daje mišljenja u vezi s upotrebom genetičke tehnologije i upotrebom GMO-a,
 - f) daje mišljenja u vezi sa socijalnim, etičkim, tehničkim i tehnološkim, naučnim i drugim uslovima korištenja GMO-a,
 - g) savjetuje nadležne organe o pitanjima vezanim za upotrebu GMO-a i genetičke tehnologije,
 - h) izvještava javnost putem medija i stručnih skupova o stanju i razvoju u oblasti upotrebe genetičke tehnologije i upotrebe GMO-a, te o svojim stavovima i mišljenjima,
 - i) obavlja i druge stručne poslove propisane Zakonom o genetički modificiranim organizmima ("Službeni glasnik BiH", broj 23/09) i propisima donesenim na osnovu njega.
- (2) Mandat članova Vijeća za GMO je četiri godine.

Član 3.

(Poslovnik o radu)

- (1) Način rada, izbor predsjednika i dva zamjenika predsjednika kao i ostala pitanja bitna za rad Vijeća za GMO uređuju se Poslovníkom o radu.
- (2) Poslovnik o radu donosi se većinom glasova svih članova Vijeća za GMO na konstitutivnoj sjednici.
- (3) Predsjednika i zamjenike predsjednika biraju članovi Vijeća za GMO između svojih članova na konstitutivnoj sjednici u skladu s Poslovníkom o radu.
- (4) Vijeće za GMO odlučuje većinom glasova koja uključuje najmanje po jednog predstavnika svakog entiteta i svakog konstitutivnog naroda.
- (5) Sjednicama Vijeća za GMO bez prava glasa prisustvuje jedan predstavnik Agencije za sigurnost hrane Bosne i Hercegovine kojeg Rješenjem imenuje direktor Agencije.
- (6) Predstavnik Agencije sigurnost hrane Bosne i Hercegovine je ujedno i sekretar Vijeća za GMO.
- (7) Konstitutivna sjednica Vijeća za GMO održava se najkasnije trideset (30) dana od dana stupanja na snagu ove Odluke.

Član 4.

(Visina naknade)

Članovi Vijeća za GMO iz člana 1. ove Odluke imaju pravo na novčanu naknadu mjesečno, i to: predsjednik i zamjenici predsjednika Vijeća za GMO u iznosu od 400,00 KM, a članovi Vijeća za GMO u iznosu od 300,00 KM.

629

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 55. stav (1) Zakona o genetički modificiranim organizmima ("Službeni glasnik BiH", broj 23/09), člana 1. stav (1) tačka c) i člana 6. stav (2) Odluke o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine ("Službeni glasnik BiH", br. 19/09 i 10/12), na prijedlog Agencije za sigurnost hrane Bosne i Hercegovine, Vijeće ministara Bosne i Hercegovine, na 17. sjednici održanoj 30.07.2015. godine, donijelo je

ODLUKU O IMENOVANJU ČLANOVA VIJEĆA ZA GENETIČKI MODIFICIRANE ORGANIZME

Član 1.

(Predmet Odluke)

Ovom Odlukom imenuju se članovi Vijeća za genetički modificirane organizme (u daljem tekstu: Vijeće za GMO), u sastavu:

- a) prof. dr. sc. Vojislav Trkulja,

Član 5.

(Uslovi za rad)

- (1) Agencija za sigurnost hrane Bosne i Hercegovine osigurava imenovanim članovima Vijeća za GMO potrebne uslove za rad i pruža potrebnu administrativno-tehničku pomoć.
- (2) Usljed ukazane potrebe, na zahtjev Vijeća za GMO, mogu se angažirati i drugi eksperti iz predmetne oblasti.
- (3) Sredstva za rad Vijeća za GMO i obavljanje stručno-administrativnih poslova osiguravaju se iz sredstava budžetskog korisnika - Agencije za sigurnost hrane Bosne i Hercegovine.

Član 6.

(Izvještavanje)

Vijeće za GMO sačinjava godišnji izvještaj o radu i podnosi ga Agenciji za sigurnost hrane Bosne i Hercegovine koja o tome informira Vijeće ministara Bosne i Hercegovine, a izvještaj objavljuje na način dostupan javnosti.

Član 7.

(Prestanak važenja)

Stupanjem na snagu ove Odluke prestaje da važi Odluka o imenovanju članova Vijeća za genetički modificirane organizme ("Službeni glasnik BiH", broj 92/09) i Odluka o utvrđivanju visine novčane naknade za rad članovima Vijeća za genetički modificirane organizme ("Službeni glasnik BiH", broj 58/10).

Član 8.

(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 110/15
30. jula 2015. godine
Sarajevo

Predsjedavajući
Vijeća ministara BiH
Denis Zvizdić, s. r.